



Arubaanse Courant

ANJA 25

DIAMARS 11 FEBRUARI 1964

No. 4961

Directiva di I.O.W.U.A. kier afiliacion internacional

SAN NICOLAS, 11 Feb. - Simanan a pasa caba cu Independent Oil Workers Union of Aruba, IOWUA, e union di trahadornan na Lago ta den un empase di deliberacion cu e Compania Petrolera, Lago, cu no ta bai ni patras ni padilanti.

E Union ta pidi compania pa para e layoff durante di e deliberacionnan pa un convenio colectivo di trabao nobo, y Lago no ta bai di acuerdo cu esaki, asina aki e situacion di pre-deliberacion y conferencianan tabata para ora cu e tres representante di IOWUA, ultimamente a bai Venezuela. Asina el a keda tambe despues di e deliberacion di directiva di IOWUA cu Lago ayera merdia, ora cu asunto di layoff a bolbe worde trata. Awor e directiva di IOWUA a dicidi cu ta tempo pa busca un afiliacion internacional, pa esaki nan ta bai tene un referendum cual ta termina dia 24 venidero.

Pa medio di un pamflet fecha dia 10 di Februari e directiva di IOWUA ta pone su miembronan, trahadornan na Lago, na haltura di nan intencion. E pamflet ta bisa entre otro cu: Pa motibu di e situacion na e momento (e situacion di deliberacion cu Lago, ni padilanti ni patras. Red.) ta di gran importancia pa IOWUA busca afiliacion cerca unionan internacional. En conexion cu esaki e miembronan di e union pronto lo ricibi un carhi via di post cual nan tin di jena cu un cruz si nan ta pro un afiliacion internacional pa IOWUA of si nan ta contra. E carchinan aki mester worde deposita den urnanan especial na oficina di IOWUA of entrega na un of otro di e miembronan di directiva di IOWUA. E carchinan mester ta den poder di IOWUA no mas tarda cu dia 24 di Februari 1964.

En relacion cu e situacion mencionada aki riba gezaghebber O.S. Henriquez a worde manda diferente telegramnan for di organisacionan internacional y Venezolano di trahadornan, kende nan ta pidi intervencion di gezaghebber pa un solucion den e situacion actual di IOWUA cu Lago.

E telegram di Fedepetrol di Venezuela ta bisa lo siguiente: "Lt. Henriquez teniente Gobernador Oranjestad Aruba. Fedepetrol nombre 5000 trabajadores democraticos solicitan respcto derechos trabajadores Independent Oil Workers Union Aruba discutir bases igualdad justicia nuevo contrato colectivo ante empresa Lago esperando intervencion suya fin neutralizar arbitrariedades empresa caso contrario movilizaremos opinion Trabajadores Petroleros Venezolanos. Elio Aponte Gonzalez secretario Organizacion Fedepetrol."

Clasc na Gezaghebber

Tambe confederacion Latino Americano di Sindicatos Cristianos a dirigi su mes cu un telegram pa dirigi su mes cu un telegram pa gezaghebber di Aruba. E telegram aki ta firma pa e se-

complicidad autoridades publicas Aruba contra trabajadores favor Empresa Recurriendo Oil Finebra. Emilio Maspero secretario ejecutivo Clasc."

CTV na Gezaghebber

Tambe confederacion di trabajadores Venezolano a dirigi su mes cu un telegram pa pidi gezaghebber un solucion pa e situacion di IOWUA y Lago actualmente.

E telegram di CTV ta bisa lo siguiente:

"Lt. Henriquez teniente Gobernador Oranjestad Aruba CTV - nombre millon y medio trabajadores democraticos apoya revindicaciones Independen Oil Workers Union solicitando Usted intervenga fin garantizar derechos trabajadores discutir nuevo contrato colectivo bases igualdad justicia caso contrario movilizaremos opinion accion movilio Venezolano piano nacional internacional denunciar injusticias complicidad gobierno."

Dagoberto Gonzalez secretario Organizacion CTV"

Asina cu e tres telegraman ariba en corto, tur ta pidi pa solucion door di intervencion di gobierno di Aruba den e cuestion di Lago y IOWUA na un manera justificada.

Pueblo Venezolano y mundo henter (Internacional) di conoce cu e gobierno di Aruba ta complice den un injusticia contra di e trahadornan di Lago.

FATUM Tel. 1845

pa tur bo aseguronan

Como cu gezaghebber O.S. Henriquez mes a laga awe mainta ariba un blaha di servicio, gezaghebber interino I.S. De Cuba a duna e organisacionan cu a manda e telegraman un contesta pa telegram den cual e ta laga nan sabi cu como aki ta trata di un asunto di Land, e ta pasa e caso pa ministro di asuntonan social y economico.

TEMBLOR DI TERRA

Dos temblor di terra a azota e territorio di Caserta, na 30 km. na noord di Napels y e habitantenan a corre sali riba caya. No tabatin ningun desgracia personal. Tampoco nan a anuncia danjo.

Diasabra anochi senior Henry Steeber, - general manager di Aruba Caribbean Hotel - Casino a corona srta. Daisy Croes, e candidata di Club Oasis, como Reina di Daisy su premio un carnaval di e hotel. week-end pa dos persona den e hotel, tur cos gratis. E hurado tabata consisti di turistanan.



MENTHOL FRESH

RICH TOBACCO TASTE

MODERN FILTER TOO

Choke entre bapornan di guerra Australiaco

CANBERRA, 11 Febr. - E caza torpedero di Australia "Voyager" a sink despues di a dall na altura di costa sur di Nieuw Zuid Wales, cu e portavion "Melbourne", e bapornan di guerra di flota australiaco. Ambos bapornan tabata haci un viahe di ehercicio. Nan tin miedu cu io tin hopi victima ne desgracia aki.



CARNAVAL NA ARUBA

Carosa di anja: Cacique Caribe

Grupo di anja: Chinesnan

ORANJESTAD, 11 febr. - Un di e aradanan di carnaval di mas bonita cu a tuma lugar den e ultimo diez anjanan tabata esun cu ranjestad a presencia di adominio atardi. Un fila di mas cu un ilometer largo di carozanan, teelbandnan, bailarinan, autonan otro participantenan a camina orre y baila for di cuator letor door di Oranjestad; un bisa cu tabata varia di charmante, en di color fasinante y gracioso. E premonan di CCCA, cu aña aki a presta un trabao mcomparabel a bai pa e gruponan pa pia: chinesnan bendedori flor y loke ta trata di e caozanan pa e cacique caribe (hera aloe).

filesnan a goza e aña aki atore di e parada i carnaval. Mienras cu un pre demostracion con arada lo tuma lugar e aña aki tuma lugar diasabra atardi den callanan di San Nicolaas, 24 ra despues Oranjestad a hanja saki pa mira den tur su gran-eza, camindanane carozanan dora bunita y costoso no a worde iba e dia anterior San Nicolas omo cu e donjonan no ta risca saki, como cu e blaha largo a San Nicolas por causa algun anjo na e buniteza di nan caroa. Miles a goza di e parada mes tanto potret a worde sa-a. Cu gusto e aña aki publico or a tabata cu no tabatin mal-rata mento di bestia, algo cu aña anterior tabata pasa masha opi.

GRUPONAN
Historico: Tribute to the red man
Original: Chinese flower sellers
Comico: Nothing long Corporation (NDC) Fan Club.
Comersio: Simadun golding glo.

Tabata assistent - manager George Camara kende diasabra anochi tabatin e honor pa escolta tur e candidatanan di Klompen Klub di nan mesa pa e podium. Aki nos ta mira senjor Camara (soltero) - mientras cu e ta escolta srta. Frieda - Geerman di Jamanta Club pa e podium.

Caroza
Historico: Flamingo Fioa' Bonaire Club
Original: The thing from beyond
Comico: Miss Marionell (Marinier nan)

PARADA
Historico: The romans
Original: Indianan Caribe
Comico: NDC Fan Club
Comercial: Aruba Trading Company
Luhoso: Tribute to the red man.
Original: Cacique Caribe
Comico: Marine Toko
Comercial: Elmar
Luhoso: Joyita di Trivoli

Individual.
Historico: Slome

Original: The thing from beyond
Comico: Miss Marionell

Fuera di esunan menciona aki riba "Silverstras" a worde nombra como e mihor steelband di aña. Remarcanan special pa gruponan a worde duna door di comite central di carnaval na e "e parehanan den haula" y "marcianonan". Locual ta trata di nos banda nos lo kler a haci remarca special pa e bunita gruponan siguiendo: "Orquidea" di club Bonaireano, e grupo chiquito di toreadornan bao di gia di Efi Kock, y e carosa di reina di carnaval di Aruba, y esun di e tres "Missnan" awe nochi ta tuma lugar den Aruba Caribbean Hotel-Casino durante un cocktail party, entregamentu di e premonan.



Prome cu e coronacion di Daisy Croes, como Reina di carnaval di Aruba Caribbean Hotel, general-manager di e hotel, sr. Henry Steeber, a bisti e sjerp di e hotel pe; un trabao exacto cu mester wordu haci masha cuidadoso!

ARESTACION NA HAITI

PORTO PRINCIPE, 11 Febr. - E Jesuitanan na Haiti ayera a wordu amenza cu expulsacion despues di arestacion di dos di nan riba acusacion di tin den nan poder documentonan cu por perhudica seguridad di estado. Voluntarionan a rondona e cas di Jesuitanan E pastoor nan aresta tin den nan poder fotonan di Paul Magliore cu na 1950 te 1956 tabata presidente di Haiti. Magliore, cu ta un adversario dje actual hefe di estado, dr. Francois Duvalier, ba biba desterra na Merca.

CATOLISISMO NA POLONIA

VAROSOVIA, 11 Febr. - Cardinal Wyszynski e primado catolico di Polonia, den un predicashon na Varsovia a critica e campanja stranjo cu ta ser ehecuta na Polonia y den exterior contra adoracion di maria, cu e episcopado polaco ta alenta. E cardinal a bisa, cu ta pasombra Maria ta lanta un forza religioso na Polonia e ta e enemigo numero uno. Despues di desarrollo di fe catolico, na Polonia cardinal Wyszynski a muestra e adversarionan dje adoracion di Maria alenta na Polonia. Esaki tabata na Polonia e tal progresistanan frances den e cierto periodistanan frances italiano e ingles di exterior.

FOR RENT

A furnished house in Oranjestad.

For inf; Call 1116/2116



Materialnan di construccion di calidad y na prijs atractiva esey ta solamente na

PETRONA & CROES

NOBO NOBO NOBO
NASSAUSTRAT No. 34

Nos baratillo di february ainda ta sigui. Rebaha di prijs grandioso! Provecha ainda di e baratillo aki. Tambe nos a ricibi tela nobo den tur calidad di Drip-Dry di anja 1964

Cumpra bo tairanan

Continental

awor y laga nos monta nan

GRATIS pa bo.

Tur tamanjo na existencia.
E. & G. MARTIJN
(ARUBA) N.V.

Havenstraat 10-12
tel. 1429 - 1493



Damanan di Aruba invita pa "Dia di Oracion"

E comite pa dia di oracion mundial pa muhernan, na Aruba a dirigi na tur muhernan ariba Aruba cu un cordial invitacion pa bin tuma parti na e ora di oracion, cual lo worde teni ariba dia 14 di februari, diabierna anochi pa ochor den e kerkinan na Aruba. E invitacion ta como lo siguiente:

"Awor cu nos tin e privilegio di por yama boso pa observa e dia di oracion di 1964 nos ta consciente cu e circunstancianan di mundo ta birando cada aña mas pior. Si hende lesa corantnan lo bo por convence bo mes di e situacion deplorable cu ta bira mas y mas.

mas y mas malo y meimei di e lineanan bo por lesa e grito na cielo "O senyor manda yudanza". Nos ta recorda e palabranan di nos senyor den e capitulo binti cuatro di e evangelio di San Mateo, nan caminda cu e ta papia ariba e fin cu ta cercando. Lo nos no haci bon, segun su palabranan tambe, di ser alerta y ora pa e mundo desequilibra aki?

Tur ta worde suplica di e juventud di diez cinco aña pariba pa por uni pa presta nan humanidad e servicio pa un mihor comprendemento entre e pueblo-

nan di tur nacionan pa un mihor comprendemento y cooperacion - entre tur iglesianan cristianan y pa e hobentud y e grandinan cu a bira indiferente pa nan iglesia.

E herencia solamente, cu un hende sabi cu ta uni cu millonnan di muher, dilanti e trono di tata todopoderoso, den un mes oracion, ta hacie sintie parti di e iglesia invisible di Cristo, cual ta e unico iglesia berdadero, na cual tur creyentenan cu ta adora Dios den espiritu y berdad ta pertenece."

Mescos cu aña pasa, lo tin e aña aki tambe un servicio pa muchanan homber y muher di diez pa diez cinco aña. E ora di oracion aki lo worde observa e mes dia cu esun di muhernan, dia diez cuater di februari pa cincor di atardi, na Oranjestad den kerki y na San Nicolaas den John Wesley-Auditorium.

DEMONSTRACION NA PANAMA

CIUDAD DE PANAMA, 11 Febr.-Estudiantenan cu ta demonstra

a kibra bentananan di glas dje cuartel general di un grupo di desteradonan anti Castro na Panama y a kima un cantidad di portretnan di entre otro general Andrew O'Meara, e comandante mericano den zona di canal di Panama.

Mas o menos dos mil cincor cien estudiante a asisti na un reunion pa conmemora e lantamentu anti mericano di luna pasa den zona di canal.

E embahador di Paraguay, cerca organisacion di estadonan mericano Juan Plate, a ser eligi como presidente dje comision di cincor miembro den dje nomber dje organo conservativo di organisacion di estadonan mericano tabai instala un investigacion pe causanan dje conflicto entre Merca y Panama. E comision lo papia cu embahadornan di Merca y Panama cerca organisacion di estadonan mericano, respectivamente Ellsworth Bunker y Miguel Moreno, prome cu nan tuma un decision pa un bishita na Panama.

Diasabra anochi durante di clausura di POVA algun copa a worde entrega ainda di e encuentronan deportivo cu a tuma lugar na ocasion di e hubileo di 20 anja. Aki senyor C. van Riem di departamento di asuntonan especial na San Nicolas ta ricibi un copa for di man di presidente di POVA comissaris C.A. de Jager. Den centro sr. L.A. Lebacs. Senyor van Riem a obtene e segundo premio den weganan di tennis dobbel pa caballeros.

Den e capital di Chipre, Nicosia, a tuma lugar un demostracion grandi di Cypriotanan Griego contra e intencion di Merca e Inglatera pa manda trupanan di NAVO pa Cyprus. Riba e portret aki president Makarios ta dirigi palabra na e multitud despues di e demostracion.



CU UN
PERCOLATOR
ELECTRICO.....



**KOFFIE SABROSO
DEN UN INSTANTE!**



SABOTAHE NA FLORIDA

MIAMI, 11 Febr. - Nan ta haciendo na Florida un investigacion pa identidad di saboteadornan, cu a comete dos atentado di bom riba trennan dje compania d. ferroviaria "Florida Eastcoast Railway", di cual e personal ta huelga.

Ne promer atentado di bom un trein di mercancías cu 91 wagon a sali fol riel, door di cual e caminda di ferrokvia pa Miami a keda blokia. E di dos explosion a destrui e unico grua dje compania, cu ta ser usa pa a kita e trein cu promer explosion a destrui fol riba riel. Personal di Florida Eastcoast ta huelga fol Januari di anjapasa ora cu compania a...ninga di importa cambionan den sueldo cu locual hopi otro compania di ferrokvia a bai di acuerdo.

KNSM

your line



TELEPHONE 1777-3 LINES
SCHEDULE OF ARRIVALS / DEPARTURES AT / FROM ORANJESTAD

ULYSSES	15-2-64	Europe.	Santa Marta, Barranquilla, Cartagena, Pto. Limon, U.S. Gulf Ports.
AGAMEMNON	15-2-64	Europe.	Bonaire, Cúmana, U.S. Atlantic Ports.
BAARN	15-2-64	Mobile, Houston, New Orleans.	Curacao, Venezuela, Trinidad, Barbados, Georgetown, Paramaribo.
PARTHENON	16-2-64	U.S. Atlantic Ports.	Venezuela, Georgetown, Paramaribo, U.S. Atlantic Ports.
VIRILIA	19-2-64	Canada.	Maracaibo, Europe.
SINON	20-2-64	U.S. Atlantic Ports.	Venezuela, Port of Spain, Europe.

Sr. Olivant Porry di WIMCO a fallece

ORANJESTAD, 11 febr. - Mientras cu henter Aruba diadomingo ultimo tabata fiesta carnaval tabata reina profundo tristeza cerca familia Porry den George Madurostraat na Oranjestad, caminda senyor Olivant Porry kende algun siman pasa a hanja un atake di curazon a muri a consecuencia di esaki. Senyor Porry a drenta servicio di frances durante di segundo guerra mundial y a bin Aruba, caminda e la sinti su mes asina bon na cas y a casa na anja 1941 cu Julia De Veer, yul muher di senjora Irma de Veer di Madiki. Despues di e casamento e pareha a establece nan mes pa algun anja na Venezuela. Na anja 1943 senyor Porry adrenta servicio di Wimco na Aruba como accountant. Su nombramento como general manager a tuma lugar na anja 1948 cual posicion e tabata tin te na momento di su fallecimiento. Senyor y senjora Porry a hanja dos yui. Nan yui muher Alix a casa poco tempo pasa cu Anthony Beaujon yui homber du ex-gezaghebber F.J.C.

Awa di Jamaica pa Guantanamo

KINGSTON, 11 Febr. - E base mericano Guantanamo na Cuba di cual e provision di awa a ser corta pa autoridadnan cubano, lo wordu provisiona cu awa pa Jamaica. E bapornan mericano ya a bai busca nan promer carga di awa dhe depot "Echo Rios" na isla. Nan ta spera cu nan lo regresa mayan.

BAPORNAN RUSO MOLESTIA

MOSCU, 11 Febr. - Segun e agencia ruso di prensa Tass a anuncia, e ministerio pa buque mercante na Moscu a ricibi varios noticia di radio di bapornan ruso, cu ta ser molestia pa avionnan militar occidental. Den Noordzee un avion militar Ulandes a bula riba e bapor ruso "Providino". Tambe den laman hapones ruso a hanja provocacion di avionnan militar mericano. Tambe dos bapor ruso den Caribe y un tanker ruso den Mediterraneo a wordu molestia.

E astronauta Ruso Valentina Teresjko-va a bishita Londen. Ora cu el a yega na e embahada Ruso di Londen el a worde saluda pa muchanan cu a ofresele flor.

Beaujon. E ta biba na Houston, Texas. Caminda su esposa ta studiando ainda.

E yui homber Eddy cu na e momento di fallecimiento di su tata tabata na Estados Unidos ta estudiando na Wilbraham Academy den e estado di Massachusetts. Deramiento na e santana y katholico na Oranjestad ta tuma lugar dia e yunan yega Aruba. Tambe ta worde spera ariba e yegada di un ruman homber di e fallecido, cu tin di bin for di Martinique e isla natal di senyor Porry.

Senyor Porry tabata un conocido comerciante na Aruba y tabata goza di un reputacion masha bon. Bao di su gila un extension e importante di e negoshinan di Wimco a tuma lugar.

SITUACION NA GUATEMALA

NEW YORK, 11 Febr. - E hefe di estado di Guatemala, coronel Enrique Peralta Azurdia, a anuncia, cu e estado di sitio den su pais lo wordu aboli y cu e libertad di prensa lo wordu drecha cu convocacion di un eleccion pa 30 di maart proximo, segun e asociacion interamericano di prensa a participa.

Den un carta ne asociacion aki el a bisa cu e censura pa prensa tabata trata di solamente informacion politico y cu libertad di prensa lo wordu drecha pa yuda alcanza un berdadero democracia na Guatemala.

Coronel Peralta anja pasa a tuma poder caminda e gobierno eligi constitucionalmente di general Miguel Yigoras fuentes a wordu tumba bow di acusacion di a comete corrupcion y cu e comunistanan a penetra den esaki.

Pacient di Naessens a fallece

BASTIA, 11 Febr. - E Corsicano frances di 15 anja Bernard Ferran, cu ta ser trata pa Gaston Naessens, a muri den cas di su mayornan cerca di Bastia na Corsica, di cancer den senger.

Bernard a cai malu na maart di anja pasa. Naessens, cu mes a haci un estudio di biologia, pero cu no ta dokter, a trata e mucha aki cu e bacuna cu el a descubri. E ta considera e hoben Ferran como e prueba di mas cla dje exito di su remedio.

E tratamentu di Bernard Ferran a conduci pa un ola di pacientnan pa Naessens. Esaki tabata dunanan tratamentu den e hacienda di tata di Bernard, cu a invitele pa biba akinan.

Manera anuncia nan a prohibi Naessens pa sigui trata e pacientnan. Tambe nan a acusele, di ehecurion ilegal di medicina.

Cu profundo sentimiento nos ta participa morto di

nos apreciado y respetado gerente

Olivant Porry

su fallecimiento pa nos ta nifica un perdida grandi y dificil pa reemplaza.

Pa tur loke el a haci pa nos empresa y semper sonal semper nos lo keda recordele.

Nos sincero sentimiento di condolencia ta bai na su esposa y jiuunan.

WEST INDIA MERCANTILE OF ARUBA LTD.

Aruba, 9 februari 1964

Pa medio di esaki nos ta cumpli cu e penoso deber

di participa e fallecimiento repentino di nos

querido e inolvidable esposo y tata

Olivant Porry

Julia Porry-De Veer
y jiuunan.

Aruba, 9 februari 1964

En conexion cu speramento di jegada di e jiuunan

y ruman homber di e defunto, fecha y ora di entierro

lo ser anuncia despues.

Presupuesto militar di Estados Unidos

WASHINGTON, 11 Febr. - E comision pa forzanan di guerra fol Camara mericano di delegadonan a aproba un proposicion di ley cu ta pone mas di 17 miliard dolar disponibel pa compransan militar. Esaki te suma di mas grandi cu jamas a ser acepta riba e tereno aki na Merca. Nan a saca 92 milion dolar fol djesaki pa construccion di un avion nobo di bombardeo, pa reemplasa e B-52 y e B-58 cu a enviehese. Tambe nan ta lucha pa un avion nobo di interceptacion. E suma aproba ta 270 milion dolar mas abow cu loke minister di defensa a pidi.

INVESTIGACION NA GEORGETOWN

GEORGETOWN, 11 Febr. - Polis ta haciendo actualmente na Guayana ingles un investigacion pe circunstancianan bao di cual nan

a tira un homber mata di entre un multitud cu a caba di tene un demostracion dje partidoprogressivo di pueblo na Georgetown. Mas di 10.000 persona a demonstra pa independencian inmediato. Promer minister Jagan a haci un peticion na oposicion pa stipula huntu cu ne un fecha pa independencian cu nan lo puntra Inglaterra. Polis arma a serra caminda y durante un accion extenso di seguridad nan a investiga autonon.

Compania petrolera na Indonesia

DJAKARTA, 11 Febr. - E partid indones nacionalista (PNI) a ordena e sindicatonan Uni serca dje pa no tuma ningun paso pa confisca companianan petrolera di exterior na Indonesia. Den un resolucion acepta e partido aki ta bisa cu gobierno ta tumando proyectonan di un areglo special cu relacion cu e companianan petrolera di exterior.



JACOB KOZLOFF PRESENTS

FOR THE

ARUBA CARIBBEAN HOTEL-CASINO



**THE FAMOUS
"MR. SHOW BUSINESS"**

**TONY
MARTIN**

AND HIS TROUPE

**AT THE
KLOMPEN KLUB**


**STARTING
FEBRUARY 12
THRU
FEBRUARI 24**

**SHOWTIME 9.30
EVERY NIGHT**

*

EXTRAORDINARILY

ATTRACTIONS



TO COME THIS SEASON

*



- * LIBERACE
- * BILLY DANIELS
- * JACK BENNY
- * JUNE VALLI

ARUBA CARIBBEAN HOTEL-CASINO



Aki Pancho Barigon (Jossy Tromp) kende Diahuebes anochi durante eleccion di Miss Aruba 1964, y durante eleccion di Reina di Carnaval 1964, a laga e publico presente hari barica yen cu su To-

curanan; aki ta para ariba podium hunto cu su Reina Jolanda Coutinho, Reina di Carnaval Juvenil y Reina di Centro Juvenil Tanki Ieendert, dirigiendo palabra na publico.

Masha hopi felicitacion Lidia I mester a ricibi Diabierna anochi despues di un coronacion door di Gezaghebber O.S. Henriquez.

Entre otro tur e otro Reinanan cu a competi a duna pabien, braza y sunchi. E runner-up pa Reina di Carnaval 1964, srta Helen Henriquez Reina di Carnaval di R.C.A. aki ta sunchi Lidia I, como un muestra di alegria y felicitacion. Nadrechi nos ta mira srta. Yolanda Maldonado di Juventud Cristian."



E aplausa cu e publico a duna e reinanan cu Diabierne anochi a competi pa e titulo di Reina di Carnaval 1964 tabata enorme.

E miembro di Comité Central di Carnaval Aruba, sr. Julio Luydens aki ta escoltando srta. Frida Geerman di Jamaica Club na e momento cu el a yega Wilhelmina Stadion Diabierne anochi.



Irak a hanja compania nacional di petroleo

BEIROET, 11 Febr. - Raulo Bagdad a anuncia cu e minister Iraques pa industria petrolera, a participa, cu nan lo lanta un compania Iraques nacional Petrolera, cu un capital di 125 million florin.

E ley den cual e lantamentu dje compania aki cu lo llama e compania Iraques Nacional Petrolera lo drenta aki un luna den vigor. E capital lo ser duna pa gobiernu

di Irak. E compania lo tin derecho tambe riba placanan di invertidornan di Irak y di exterior, esta di e suma total no ta mas cu triple dje capital di establecimiento.

Den construccion ta ser stipula, cu e compania Iraques Nacional Petrolera lo ta completamente independiente den su financia y gobernacion. E por considera henter Irak, como su terreno di trabao, cu excepcion dje teritorionan caminda ya otro companianan petrolera segun stipulacion di un ley di dos anjapasa, ta traha. E compania Iraques Nacional Petrolera, ta hanja tres luna pa busca e teritorio caminda e lo cuminsa su actividad. E compania nobo lo comparti su ganashi a base di igualdad cu gobiernu, es decir fifty fifty.

Riba e portret aki nos ta mira e astronautanan di e proyecto durante nan prome instruccion cu a worde duna pa astronauta Willy Schirra (na drechi)



Ora cu e reinanan tabatin di camna patras mirando na e publico promer cu nan yega nan stoel, esaki cada biaha a trobe tabata un momento di tension pa publico. Diahuebes anochi tur e Missnan y Diabierna anochi e Reinanan, a cai sin ta sin dificultad ariba nan stoelnan ariba po-

dium. Pero esaki gracias na e persona cu manera un "loods" tabata gia cada miss y cada Reina pa su stoel. E miembro aki di Comité sr. Daniel Leo, no tabatin un tarea asina dificil pero responsabel pa percura pa cada un di e bellezanan yega nan stoel.





VIOLENCIA NA CYPRUS

NICOSIA, 11 Febr. - Tabatin un episkopi den cercania dje base britanico na sur di Cyprus un bringamentu entre Chypriotan Griego y Turco. Segun promer noticianan tabatin ne anda Griego Chypriota un morto. Entre tantu e sub minister mericano di asuntunan exterior George Ball a sali via Londen pa Athena pa participa ne deliberacion tocante Cyprus, segun State Department a anuncia. E ministerio a laga sa, cu Merca solamente kier duna ayudo. E sub minister Ball lo tin na Athena un entrevista cu e embahadornan mericano na Grecia, Turquia y Cyprus. E lo continua su viahe pa Ankara, caminda e lo keda tambe durante un dia. E no ta den su capacidad pa sali pa Cyprus.

Un grupo di diplomacionan mericano bow di direccion dje subministro di asuntunan exterior George Ball a sali via Londen pa Athena pa participa ne deliberacion tocante Cyprus, segun State Department a anuncia. E ministerio a laga sa, cu Merca solamente kier duna ayudo. E sub minister Ball lo tin na Athena un entrevista cu e embahadornan mericano na Grecia, Turquia y Cyprus. E lo continua su viahe pa Ankara, caminda e lo keda tambe durante un dia. E no ta den su capacidad pa sali pa Cyprus.

E seleccion Nacional di hockey di Hulanda a train bow di direccion di Eric Bronkhorst (robes) den e stadion olympico na Amsterdam.

TEMOR DEN MISA

Den un misa na Mebourne como spanto un religioso Anglicano di 81 anja a cai morto for riba preeksteol.



TELE-ARUBA

Diamars 11 Febr.

- 05.30 Cartoons
- 06.00 The Buccaneers
- 06.30 N.T.S. Journaal
- 06.45 Papiamento Newscast Live & Filmnews
- 07.00 Rough Riders
- 07.30 Informacion Amstel
- 07.45 Our Miss Brooks
- 08.15 Lock-up
- 08.45 Viana's Latest News
- 09.00 77 Sunset Strip
- 10.00 Sign Off.

CINE

Diamars 11 Febr.

De Veer: 8.30 p.m. "The young Ones" all

Rialto: 8.00 p.m. "Amor a Balazo limpio" 18 j

Principal: 8.00 p.m. "Atlantis the lost continent" 18 j

Aurora: 8.00 p.m. "Ladron que Roba a Ladron" all

Savaneta: 8.00 p.m. "Als twee druppels water" 18 j

WIT-GELE KRUIS

Oranjestad: Zr. Ewolda
San Nicolas: Zr. Perpetua
Santa Cruz: Zr. Ludovic

BOTICANAN BI WARBA

Ostad Botica del Pueblo Tel: 1253-2154.
San Nic. Botica San Lucas tel 5119

Cumpleanjos

Dia 9 di Febr. a cumpli anja Señora Maria Figaroa, felicitacion ta bini pa parti di su esposo Domico, yunan Pedro, Irma, Ruben, Dolfi, Lourdes, Roland y Evelina, comer Nia Figaroa y demas famia Figaroa.

Pa Landsbeshuit cu fecha di 8 di Feb. a keda nombra como miembronan di Raad van Advies srs. Mr. S.W. van der Meer, H.J. Roefstra y W.A. Winkel.

Awe mainta e miembronan nobo di Raad van Advies a hurar cerca S.E. Gobernador N. Debrot. Aki nos ta mira e momento di huramento.

AGENDA

ARUBAANSE COURANT

diariamente cu excepcion di diadomingo
subscription f. 3.25 pa luna edicion los 20 ct.
edita pa:
N.V. ARUBAANSE DRUKKERIJ - en UITGEVERS - en PUBLICITEITS MIJ.
imprimi na:
N.V. DRUKKERIJ „DE STAD.“
Telefoon 1116 Directiva y redaccion, 2116 Anuncio y subscription.
Directeur hoofdredacteur: D. Wolff.

POR CUMPRAR ARUBAANSE COURANT NA E SIGUIENTE LUGARNAN:

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS:
UNION STORE.

RADIO CARACAS TELEVISION

Diamars 11 Febr.

- 8.45 Senderos de luz
- 9.00 Cajas con sorpresas
- 9.30 Jardin den infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monteverde
- 15.15 Perfecta ama de casa
- 15.45 Aventuras de Popeye y Yeyo
- 16.15 ejlas y sus muchachos
- 16.45 Busque su marca
- 17.15 Dick Tracy
- 17.45 Noticias
- 17.50 Ruta 66
- 19.00 Colonel Flack
- 19.30 A Gozar muchachos
- 20.00 El observador
- 20.15 Novela
- 20.30 Joselo
- 21.00 Julian Pacheco
- 21.30 Dr. Kildare
- 22.30 Noticias
- 22.35 Cine para todos

Ingrid dia cu e tabata malo na cama... "Ah, esta emocion!", y el a cuminza hari cu hofon, e poder Juffrouw cu compasion cu kier hasi su mes indispensable na castillo di Hofen. Mi ta spera cu e Conde lo pagabo na e manera mas adecuado... srta... e stem a contesta. Thesi a sinti cu casi e no por papia mas di sorpresa y di rabia, ora cu el a comprende kiko e muhé kier meen cu e palabranan ey. "Kiko!", e kier a a hasi su mes indispensable pae Conde...? El a sinti con su mannan a cuminza temblá, y con poco poco tur su curpa tambe a cuminza temblá. "Mi no ta mira ningun razon di papia cu bo tocante mi motibonan... Natural cu no, esey ta masha facil pa comprende", e otro a contesta sarcastico. Bisa e Conde, cu mi ta bel oro bek tende? Ademas mi tin gana di papia cu ne personalmente". El a dal e telefon sera, Ainda Thesi ta sinti epalabranan di e muher ta zona den su oreca y ta tende su mes contestanan y e no ta comprende nan. Un cos so e por a comprende y esey ta cu e muhé a bisele poco cos asina falso, asina... "No", Thesi a bisa poco poco. E tabata kier cuminza grita duro contra e murmuracion, cu tabata testigo die insinuacion escandaloso ey. El a sinti su mes hondamente ofendi y hundiá, y su paden tabata manera herida di tanto cu el a rabia.

"Buscando amor di Mama"

Novela pa Pancho Papa la Poncha Pi No. 23

siguiente mañita Thesi tabata... posibel pae nopapia cu e Conde. E tabata rabia cu ne pero adem... e tabata sintiele culpable - ontra dje. Si e no mira e Conde, ta sintié irrita, aunque tur ora ta bisa su mes, cu e no tin gana di miré. Dos biaha Thesi a bay den auto cu Harold, nan a bay Freioerg, y el a keda ayanan fo merdia te anochi. Pero Thesi a haci su best, pa e no keda su so cu Harold, sin cu e mes tabata sa pakiko. E no sa e motibo, pero e ta hanja esey masha fastioso, ora e ta so cu Harold e sintiele infelis y ta hanje cu un desacuerdo cu henter mundo, y principalmente cu Conde Hofen. E disgusto cu e tabata sinti pa Harold a keda, y e tabata contento cu su vacante a caba y tambe e estadia na e castillo tambe a caba. Ora cu Thesi a bay bisa Ingrid bon nochi, esey tabata e ultimo nochi cu e lo keda eynan, e muha a corre braza Thesi. "Mi a stimabo asina hopi", Ingrid a corre hisa y cu un pocoberguen-

za. Thesi a primi Ingrid su culpa contra di dje y a caricia Ingrid su cabeynan. "Mi tambe ta stima bo hopi Ingrid el a bisa y el a sunchi Ingrid riba su frente. "Drumi bon tende, y no keda tristo pasobra mi ta hay Freiberg mayan". Thesi a sinti cu e mes ta tristo, pasobra e despedida ta doloroso. Ingrid su wovonan a jena cu awa. "Pakiko bo no por keda semper akinan?", Ingrid a puntra jorando. "Pero, Ingrid...". Thesi a bay sinta na rand di e cama y tabata busca e palabranan conveniente "Pero mi mester bay school mayan toch." "Pero toch bo por keda akinan", Ingrid a bolbe hisa cu un cara tristo. "No Ingrid, esey no por". Ta con e ta naclisplica e muha, cu nan lo bay papia hopi cos di dje, si e mester keda eynan?. "Lo ta asina bunita, si bo por a keda akinan...." "Si dushi", Thesi a bisa lihé. "Pero mi no por. Lo mi bin bi-

shitabo hopi biaha, Ingrid, y dia cu bo bira completamente bon, e ora abo tambe ta bin bishita mi, tende?" "Awor mi ta bay for di akinan pa basta tempo", Ingrid a bisa pensativo. "Na...ta con jamé atrobe? Arosa...? Bo tambe a jega di bay eynan? "No Ingrid, pero mi a yega di tende, cu eynan ta masha bunita, principalmente den primavera. Y eynan bo nota keda bo sol". "No, papa tambe ta bay. Pero esey lo dura asina hopi...". Mas bo keda, mas contento nos lo bira ora cu bo bin bek atrobe", Thesi a bisa mientras el a lanta para. "Okay, curazon, awor bo mester bay drumi". Ingrid a tene Thesi su man. "Bo ta bin bisami ayo mayan mainta tempran Thesi?" Ingrid a puntra. "Si, Ingrid". Thesi a bolbe sunché y despues el a sali for di e kamber. Poco poco el a bai e trapi y bay den cushina. Ora cu e tabata den e corredor, e telefon a ring. "Castillo di Hofen", Thesi a bisa, ora cu el a coy e telefon. "Mi por a papia un rato cu Conde Hofen", un stem a puntra. Un stem fresco y arrogante segun Thesi. "Un momento por favor". Thesi a bay mira den e bibliotek, e Conde no tabata eynan. Tambe den su cuarto di traha e no tabata. El a corre waak den cushina. "Bo sa unda e Conde ta?" Thesi a puntra Fried. No Srta...

el a sali cu e wagen". "Masha danki". Thesi a sera e porta di cushina bek. "Halo, despensami, phero Conde Hofen no ta aki. Mi por a laga respondi pé?" "Esta mala suerte...". e stem a contesta. "Srta. por a bisami ki ora e ta bolbe?". "No, mi no sa". Thesi a bisa cu satisfaccion, pasobra e no por a soporta e stem antipatico di e muher ey. "Ach, esey si ta fastioso. Pero kizas bo por dunami algun informacion. Mi tin gana di sa, ki dia Conde Hofen ta bay Suiza cu Ingrid". Mesora Thesi a reaccioná. "Bo por ta asina bon di bisami ta ken ta papia, of ta riba ken su comando bo ta tumando e informacionnan ey?". "Mi jama Troger", e nomber a zona cu orgullo. "Ami ta mama di Ingrid". Asina, Thesi a pensa, mi por a imaginami esey. Ta kiko e tabata kier ainda? Sigur e tin algo malo pensá pa bay hasi. El a bandona su homber y su yiu, el a venená Ingrid su bida, y casi e tabata tin e morto di e muha riba su consenshi. "Ta duél mi", Thesi a bisa, "mi ta kere cu mi no tin derecho di dunabo informacion di bo yiu. Y principalmente na abo!". E no a contesta mesora, el a keda sorpresá pa tanto impertinencia. "Ta cu kende mi ta papiando anto?", e stem a puntra. "Mi jama Gunden, ami ta maestra di school, y ta ami a cuida

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.



HOROSCOPO PERSONAL

ARIES 21 maart - 20 april

Parce cu tin poco problema financiero y door di un bista pesimista of un sentimentu di miedo y depresion bo por sufrí pérdi da. Tene curashi.

TAURUS 21 april - 21 mei

Lo no ta facil pa bo resisti e deseo pa diverti bo mes pa ocupa bo mas cu asuntunan serio. Bai cu diplomacio cu bo superior nan.

GEMINI 22 mei - 21 juni

Lo no ta facil pa bo jega na un comprendimentu mutuo cu otro nan na e momento aki. Busca un manera pa evita pleitu y des union.

CANCER 22 Juni - 23 Juli

No laga bo trabao sufrí bao di asuntunan financiero y proble manan excepcional. No spera hopi ayudo di otro nan.

LEO 24 juli - 23 augustus

Controla bon cual trabao meste worde hasi prome y cuminsa na tempu. Mas den dia por tin con tratiempo. Cuida bo salud bon awor.

VIRGO 24 Agosto - 23 September

Bo mester ta dispuesto pa laga otro nan bai dilanti awor. Trata publico en general cu cuidao y trata pa ta obhetivo.

LIBRA 24 sept. - 23 okt.

Si no ta estrictamente necesario bo mester suspende viahenan. Bo lo por hanja bo den dificultad of sufrí un desilucion. Paga atencion na bo trabao.

SCORPIO 24 okt. - 22 nov.

Duna preferencia awe na bo deber y asuntunan di bo mayornan. Protege bo derechonan di un manera tactico y cu pasenshi.

SAGITTARIUS 23 nov. - 21 dec.

Awor ta tempu pa paga mas atencion na asuntunan serio cu bo negligencia. Bo lo mester mantene ordu den bo trabao.

CAPRICORNIUS 22 dec. - 20 jan.

Bo lo hasi mehor door di tene bo mes poco atras awe pa asina caba cu bo trabao. No revela bo imperfeccionnan na otro nan.

AQUARIUS 21 jan. - 19 febr.

Ta muestra cu bo ta hanja cierto dificultad den bo circulo di amistadnan. Hasi loke bo por pa evita esey y no bai tras di ofertanan financiero.

PISCES 20 febr. - 20 maart

Bo lo mester ta masha persistente y tene pasenshi si bo hanja bo dilanti asuntunan importante awe. Tene confianza den bo mes.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.






BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACEY

